


Дел



А. Кононов

**ЛЕНИН
О ТЫНГНЫ
ПОТРЫТ**



THE
LIBRARY
OF THE
MUSEUM OF
COMPARATIVE ZOOLOGY
AND ANATOMY
HARVARD UNIVERSITY
CAMBRIDGE, MASS.






Хант.

3-65

А. Кононов

ЛЕНИН ӨТЫНГНЫ ПОТРЫТ



Ханты ясынга С. Доровин ханшис.

ТЮМЕНСКОЕ
КНИЖНОЕ ИЗДАТЕЛЬСТВО
1960





ЁХТЫ — РОССИЯ!

Россияны, хон ира ювытмым артны Ленин Швейцария—мувны, ханяя утыс. Хун Владимир Ильичны хон ира ёвытмым вер хутымстэ, мухты ёхты Россия манта актыста питыс. Тув ант кашасис ий минута па тавтыста. Сорашик ёх, Россия манта!

А ёх манта, сит кены вер антом утыс. Иса Европа туваттыны ворнак юкана отынгтым тять еты така манта питыс. Ленин иса тунгта, там нэм хоята ант мосты верым тять есят тотис. Сит пата си врагыт Ленин Россия манты верны торас версыт.

Но Ленин си торас верты верыт иса ира павытсытэ.

Ёхты пета карты пант хуват мантэтнсат, тув имета, Надежда Константиновная лопыс:

— Ёхыттэмын пуш катлтаймын?

Но иси артны тув, ёх манты верлла амтыттис: тув еты вуратты верны тавытса—интам нох питты вера ван кум хасис!

Тув питлны маным ёх иситы амтыттисыт. Тыв вагон хулэта актысман, амтынга потыртыс, няхсыт, арийсыт. Тыв иса кашасьсыт, тутн Ленин па тыв питетны ат утыс. А Владимир Ильич си артны тыв питэтны утта кум ант таис—тув манты вагонлны тухрысман така рупитыс.

А тухыстат патытсыт тувыт вохта. Сятта тыв, тув хотовыт хося ёхытсыт, ай тур сыйны арийта пиг-сыт:

Лакка патнгыт ахтыссыт,
Мув хар шивны татса
Лопа, муй нанг нумыстын,
Ох хов мунгев лопа.

Ленин няххатыс—тыв хосета этыс. Интам иса утым ёха сит киньси кашинга йис. Интам тыв эха Владимир Ильич питны арийта питсыт.

Хув мар манмитат ювпины сёрыс хося ёхытсыт.

Еты пета сёрыс хуват тутынгхопны манта мосмытыс.

Шенгк тавырт вот утыс, тутынг хоп хумпыт ухтыны тыве тохе ёвытса. Тутынгхоп капитан минаит ухтыя тутынгхоп тикымты верыт эвыт шенгк патман утыс. Маным ёх кутны уны пелык ёх хумпыт эвыт ухтат шивийта питсыт.

Владимир Ильич сёрыс хумпыт эвыт ант патыс. Тув тутынгхоп тангытны тотьман, сэм ант ханьпармаман иса мар еты пета вантыс.


Итатны каттынга ёхытсыт. Сит Швеция муv утыс. Стокгольм — столица вош эвыт — Ленин па тув питлны маным ёхтат муv вуш Гапаранда курт унта карты пант хуват манта питыс.

Тув тэрматыс. Кашинг сёс тувет тыкынг утыс. Сорашик манты пата тув мет ван юш хуват манта партсытэ.—потым ёнгк хуват сёрыс шупа товны манта.

Ий артны Владимир Ильич атынга римыхны сёрыс хонинга ёхтыс. Там тахи эвыт хаттынг хаттытны сёрыс па пелык хонингны Торнео вошны омысты хоттангыт сэмны катсыт.

Там хатл енгкны потым сёрыс ухтыны нови шив этымыс и еты пета нэммотты ант катыс.

Еты манты пата мотты тахи эвыт тов хотымтта мосыс. Швецияны утты ёх ай ухытны лонгханьсип тухая ирман янгхтыт, тутн тыв шив кутны хувытта ат хуттаит. Симись ухыт ухтыя, уш кет катлты хоят тохытпи туп кат хоят омсыйтта рахыт. Ёхты пета Рос-



сияя манты хутымъянкем хоят утыс. Сютны тыват
туты пата ветхосьянг ухыт мосыс.

Тыв ситы и версэт.

Швецияны утты хув пунып ветхосьянг тов кир-
сыт. Нови шив кутны—анаса актысман тыв еты пета
манта питсыт.

Владимир Ильич маным ухыт куттыпа такмыс.

Сиртны иса маным ёх сый павытсыт.

— Ленин сырыя! Ленин отынгны ат мантл!

Владимир Ильич манты ухытны уш кет катлты
хоны тов нёхтыса и тув омсым ухыт паста сырыя
манта питыс.

Мет отынг ухытны айтат эви маныс. Тув ухытны
понман утым вурты охшамыт юха ирта вуратыс. Ле-
нин тувыт этты ёхытта вуттимет артны кемынга вер-
сытэ: вурты флаг—сит тув верта вуратл.

Тув товыт мантэтсат, эвия ёшл мата питсытэ.

Иси артны эви охшамыт эвыт верым вурты зна-
мяит Ленина мешимтыстэ.

Си артны шив ара манта питыс, шив мухты хатл
катымтыс.

Манты ёха сёрыс па пелык хонинг сэма питыс.

Татта Торнео вош эвыт Петроград пета карты
пант маныс. Родина вана ёхтыс! Ленин амтытимаи
ёшлны таим вурты знамяит ухыт нумпия карся нох
атымсытэ.



ХУНЬСЯНТЫПСЫ

Петроград вошны Ленин хувын мирны тавытта
питса. Но ехытты хаттыт кемынга ант усы.

Ины емынгхатл ёхтыс. Емынгхатл кимит хатлны
сешкан верты фабрика рупутница Катя Трофимова
етн, патлаты артны хотл эвыт ким этыс. Ким этмет
ювпины тув айтта вош хулы хуват шушмыс.

Тув шушим юшлны тотамым тови тоньс эвыт
тывым йингки лотыт катсыт. Си йингки лотыт хуват
хув юх ёшны тайман ай нявремыт голубь тохтынг
воет вошатытсыт.

Катя аитта шушман па вош хулы хося ёхтыс. Си
артны хутмыстэ,—тув ернас тытл хоятны куншемы-
са.

— Катюша!

Катя ёхты каремыс па тув питлны фабриканы ру-
питты нэ Наталья Егоровна кемынга версытэ.

— Сора комитета хухыттымын!— Наталья Его-
ровна лопыс.— Мунг хосева Ленин ёхытл.

Большевикыт районной комитет си артны ай юх
хотны утыс; си хотны тыв кат хот итны рупитсыт.

Отынг хот ийтны ай ошсох эвыт верым мил ту-
мытман хоят омсыс. Тув лопыс:

— Муй сирны—тата ай павыттын! Нанг утэн:
уны емынгхатл. Заводыт па фабрикаит тухыртма-

ныт, почтаны па ант рупиттыт. Нанг нумыса си сирны, хотысат мира ай павыттын.

Наталья Егоровна пасан пунгыта нумысман ом-сыс. Сятта тув Трофимова инсимыстэ:

— Катя, нанг хорамынга ханшта хоштын?

Ёхты пета ясынг ант тавытман, тув кимит хот ита шушмыс, и сора курымны вурты сяшкан ёшны тайман этмыс.

Тув Катяя лопыс:— Там сешкан ухтыны ханша.—Ханша!... Тув ий минуткем нумысыс.— «Мунг хосева Ленин ёхытл. Хуньсита мантув!» Исат.

Ишни хонынг ухтыны карты хошапны нови отип па нови мув утыс.

Катя нови мув онтасны букваит ханшта питыс. Тув букваит ий хорамынга верта тарынтыс. Егоровна иси артны отип вой питны эха рувытта па ханшты юх каншта питыс.

Сятта номытмыстэ:

— Муй ухтыны плакат тута питтэв? Юх хотты уитта мосл. Па сорашик ким тэрматыс.

Вош хулины нявремыт хотна голубь тохтынг вое т хув юхытны нюхтытситат. Голубь вое кашты пурьтытсыт: етна ита питыс, тыв исатпа утты тохитата каремыта вуратсыт. Йингки лотыт енгкны потта питсаит, ухыт енгк шукыт нявремыт курыт итпины сынга сасьсыт.

Наталья Егоровна нявремыт хоси шушмыс па тыв эвыттэт юх вохта питыс.

Нявремыт паттамыман хувашик, тув эвыттэт хонтсыт. Тыв мет вотих ям юхыт тайсыт, мет хорамынг отипны нэрманыт. Кашинг хоята симись юх луттыта шатя утл.

— Нявремыт,—Егоровна кимитта лопыс.— Манэм вер пата юх мосл... Муй сирны ма ныныт поикта питыттам?

Тув си киньси ёш ревемыс: ныныт пойкыпсыны хун вуттан. Тыв тайти юхтат, мосанг турым туваттыны утты отыт киньси па тынынга тывет хойтыт. Тыныйта тыв си юхтат ант питытат.

Егоровна ай тур сыйны лопыс:

— Уттэтн муй вер... Ленин тухсэв мунг хосева ёхытл...

Катя Трофимова верым рупутаит етшиптыстэ, ханшим букваит нови отипны понсытэ. Ханшипсэт хува катты, тунгытты сира тывсыт, туп моттыкем буква ёвраяшик тывсыт.

Катяны номытмыса: Егоровна хотта шуватыс? Кимты пета ангкармыс. Тота камын ось питыр хоси Егоровна нявремыт питны омысман моттытат тывет потыртис.

— Наташа опи,— Катя увемыс,— муй сята вертын?

— Мотты юх каншта мосл?

— Мосл!— Хув тыт татмыман Егоровна лопыс.— Я мантымин.— Тув нявремыт эвыт ира шушмыс.

Ии мотты нявремны тув этты ёхытса па тув таим юхыт Егоровная мешимсытэ.

— Вые!

Нявремыт, миим юхет комитет унта вантман тусэт. Сята тывы сэмтатны вантман тайсэт, хотысат Егоровна ёшлны тыв миим юхет меритсытэ. Тув си юх кат ий туватты шупа эвытты пата меритсытэ па куттыпыт ай кешины посны версытэ. Сятта тув еты тувемитман шанш ухтыны кат пета муремыстэ. Матта мотты няврем шатитман сыинга увемыс: муй хорасып ям пормыс иса тыв сэмтат вантман шукатса.

А кимит няврем тувет пухытмыман лопыс:

— Муй нанг ант ванттэн, вер пата мосл!

Ий юх эвыт кат ий хуватты юх тывыс. Катяны па Егоровнаны вурты сешкан сох си кат юха карт тунгны сэнгса. Интам ханшим планат етшис. Тын си плакат ким этлсэти.

Катя таим номыс сирны, там вурты плаката иса умысьта питтыт. Но нэмхоят ант умысис. Арсыр тахи эвыт мир исат си вурты сяшкан хоси шушсыт па мухты тунгытта норымтссыт: «Ленин мунг хосева ёхытл» и мыхты инсисыйтсыт:

— Хун поезд ёхытл?

Ар хоят похла актысман, тын пиреттынны шушсыт.

Ий пириь ики Егоровна тыкасьман иньсьмыстэ.
— Муйсыр вокзал хоси поезд ёхатл, муя па сята
ант ханшман?

Егоровна лопыс:

— Нанг сам нумыса — Финляндской вокзала
ёхытл.

Пириь хо ёшнгыт пунгытнгыта хатсистэ.

— Ма похтам сята... Похтам вохта муй алэмы-
тым?

Егоровна аиттыс лопыс:

— Алэмытн.

Катя па Егоровна ханшим плакатэтн питны иса
район хуват шушсынгын. Сятта вош куттып пета
шушта питсынгын. Муйкем тын шушсынгын, сит
кинсьи мир актысьта питыс.

Хун Невской проспект хоси ёхытта тын питасы-
нгын, Катя ёхты ангкырмыс. Тын пиретанны мет ар-
мир: сэм ант ёхытты хуваттыны шушсыт.

Тын хосета ёхтытым похтат вохта янгхым пириь
хо Катяя сэма питыс. Пириь хо питны ий мевыт
тарса юрынг кат хо шушсынгын—сит си итампн пи-
риь хо похнгын. Сята ванны вурты сешкан тартытты
пата юх миим няврем шушис. Тув рупитты фабрика-
ет эвыт рупитты нэнгыт, солдатыт, рабочиит, студен-
тыт сэма питсыт.

Матта—мотты хоят мир кут эвыт лопыс:

— Я сар мунг юрынг, вураинг арев аремытэв? —
Па сятта тув мет сыра арийта питыс. (Смело, говари-
щи, в ногу...).

Па ёхны ары еты атэмыса.

Ари онтасны мир нартпыны манта питсыт, ий ку-
рым сирны, няты хояттны ий мевыт тарса шушта пит-
сыт. Сит мирынг монтала ант вантысма, — сит ий
нартпыа актысыман Ленин хуньситы пата маны
мир. Хун тыв Нева ас хоси ёхыта питмитат артны
сэма павытсыт: па районьт эвыт ий симись мирынг
нартпыт ийтыт. Тывы вурты знамяит тайман тять ёх
частит шуштыт. Кронштадт эвыт матросыт отряд ма-
ныс. Тыв пиретны броневик машинаит мансыт.

Нева ас шупа верым моста хосьны хув мар мир



тавтысыт: сыры путиловской завод рабочиит мансыт, сятта тять ёх частит па матросыт элсаит.

Хун Финляндской вокзал хоси ёхытсыт, маным нартпыт кутны хул па уитты омат ант утыс. Иса вош хулэт, вокзал хосьны утты хары мирны тэкинман утсыт.

Интам кемынг утыс: правительство Ленин катлт-са номыс верыски, тув юрл ант тармыт. Мирны Ленин ант масы тутн.

Патлыта питыс. Си артны рабочий тут вуситты пата тэсытым отыт онгасны тутыт вуситта питсыт. Тыв вуситым туттат вуртты хорасыпа вантыссыт. Вуситым тутыт пета, вокзал эвыт прожекторыт тутыт хуттысыт. Си арсыр хорасып тутыт эвыт лакка утым тахет, емынгхатл юкана хорамынга вантыста питсыт.

Наталья Егоровна Катяит питны ёшны таим вуртты плакатэтн питны вокзал харины мет отынг тахины тотьсыннын. Тын Ленин сэма ант павытты отынгны шенгк патсыннын.

Вокзал хосьны иса тунгта тэкныма ийта питыс: вош арсыр районыт эвыт иса тунгта йитып рабочиит, солдатыт нартпыт ёхытсыт.

Сит юпины куврынг сый сымытыс. Мир катна нёхтысыт, кат пельк пета хатымысыт, вокзал пета вурты флагытны хорамтым броневикыт масыт.

Иса утым мир броневикыт пирны ий номыс сирны шушмысыт. Наталья Егоровна па Катя ухтын карся нох атымман вантсыннын: Кушкепа Ленин сэма ат павытта. Етпины питы шаншип па милип хоятыт — сит тохытпы, неммотты ант катыс.

Туп интам, вокзал хосьны, карысь тахины восты броневик сэмны катыс. Тув прожекторыт тутыт онгасны броневик хорамынг хот юкана омыс.

Шимит мар па маныс...

Шимит мар па маныс...

Наталья Егоровна иса мар поезд иты сый хутнтыман тотис. Но нэммотты тахины поезд шухты, муйпа поезд карты пант хуват иты сый ант сясис.

Си артны ротан мир тотим харыны мир нёхтысыт.

Сит пирны мир сикема хусты питсыт, хотя па муй

па ат утыс иса пата питл, лакка тэвым тут картяты сый па мирны хутса.

Броневик ухтыны иса мира катман Ленин тотис.

Мотты кем секунда мар Ленин хусты тотис. Мира вантысыс метмоты Ленин плакатытны, знамяитны ханшим яснгыт тунгытл; тыв факелыт тут онтасны шимит хуттысыт, и си ханшипсэт тунгытта тавырт вер утыс. Плакатыт, знамяит ухтыя прожектор юрынг тут хуттымтыс, и си онтасны иса утты тахет эвыт уны букваитны ханшим яснгыт мухты сэма питсыт:

«Мунг хосева Ленин ёхытл, мантув тувыт хуньситал!».

Вурты охшам тумтым вуш ёнты кат рупутницай-нгынны карся атымман ханшипсэнг вурты сясхан кат юха сэнгкман ёшны катлман тайсэти.

Ленинны тын касятсайнгын.

Тув мир касятыс хойтет тувыт хуньситы пата ёхытсыт.

Тув амтыман милит ухыт нумпия карся атэмыстэ.

Сятта тув сорашик милт сепа лукемыстэ, ёшл еты пета шашман потыр отынгтыс, си ети потырттым потыртат нэмхойтны нох ант ханшсаит... И нэмхойтны ант ёрэмысаит.

Иса сята утым мирны симись яснгыт хутмысаит, матаит иса утты мир номысны хасьтыст, иса нуптыт хуват нумта питтаит:

«Вуся ута социалистической революция!».



РАЗЛИВ МАТЫНГ ХОСЬНЫ

Ленинград кимпины Разлив станция утл. Си станция эвыт шенгк хувын антом матынг утл... Товен хун тоньсь тотата питлси матынгны ийнгк эптытл, и тув уна ювынтл па си йингкыт эвыт пум верынтты тахет ийнгкны этты эптыттаит. Сит пата там матынг Ролзи-ва (муйпа уны йингк тывынтты тахия) вохта... Тунгын июль тылысь артны си тахетны карысь пум эттитл. Си артны пум сэвырты арт тывынтл.

Мет си артны 1917-мит отны Ленин Разлив матынг хося ёхтыс. Интам, июльской хаттыт ювпины, тувет врагыт буржуазной Временной правительства шпионы эвыт ханятыйтта мосыс. А си правительство мир пета атым номыс таис.

Владимир Ильич матынг па пелыкны шоши верыс.

Тувет утты тахи сыры тэсятса: В. И. Ленин утты тахи пумы пай итпины тэсятса, хота, тутн тув ертны вотны антат хойса, сит пумхота тывыс.

Симись утыпсы Владимир Ильич номыса моттыкема ант мустыс. Тув унта янгхыс, такшик юх сэврыс, юх нювыт актыс, и си юх нувыт эвыт тувы номсыт сирны пумхот верыс. Унт хоньнгны уны сумыт ванпысны так юх нувыт мува тоньстэ, а сит ухтыя восты юх лыптытны па сятта пумны лап лангксытэ. Сиртны пумхот таськама йис.



THE NEW YORK PUBLIC LIBRARY
ASTOR LENOX TILDEN FOUNDATION
500 FIFTH AVENUE
NEW YORK, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
500 FIFTH AVENUE
NEW YORK, N. Y.

Владимир Ильич ар пормыс ант таис: карты шайник, путсох, таим, юх пилитты карты па пум сэвырты карты.

Ленин си пумхотны утта питыс.

Владимир Ильич мет мосман таим тахет,— сит уны юх порых. Тув сив юх порых ухтыя омысман нэпек лист понман ханьшаньсис. Юх порых лакка энмым ай юхытны тув ханятман тайса.

Кашинг етн матынг хосьны хоп катымтытыс. Сит Ленин ямастыты хо Петроград эвыт Ленина йитып газетыт, письмаит туттис.

Владимир Ильичны си письмаит, газетыт путянгыт тунгытсытэ, мосты тахет восты ханшты юхны посны верынтсытэ.

Ленин си артны нурасьты ёхтатны каншман тайса, а тувыт уитта пись ант тайсыт. Тын ханшты газетайтатны лопман: Ленин тохтынг хопны па мувыта маныс, йингк итпины янгхты тутынгхопны сёрыс йингк унтпия тонгыс. Ленин лопыс:

— Тамись кемынг, ось-хось ёх уттыт!

Си артны тэтот хотымтта шенгк тавырт вера ёхтантыс. Па артны Ленин нянь па ант таис. Мосл лопта, что Ленин ванкутл тэты, яньсты вер исатпа ерэмытсытэ; сам вохты вер номыса питытыс, туп си артны, хун станция эвыт тувет тэтот туттиса.

Ий пуш куртынг нявремыт матынгны уны сорт ветсыт. Си сорт тым пумхота Ленина тусэт. Пум хот пунгытны хутрат хонынгны Ленин карты пут эхтыс. Сорт тувым нявремыт мухты хошимйингк кавыртта вутситсыт, Ленинны тыв ёх катлсаит:

— Рома утаты сар! Тамхатл ма нянь, шай тайтым. Хотэвыт хатла манэм тэтот ант хасъл: там сорт хотэвыт хатл кутыпны тэты арт унта хайтэв.

Владимир Ильич пум сэврыс, па ерт етпины сортытат артны пая тахсытэ. Ий пуш унт-этты мет вотанг, этыр хары лап лангкым-патынг этымыс. Владимир Ильич тэрматта питыс: тув сорашик куншим пумыт пая тахта питсытэ. Сятта тут сотта питыс, патынг марийта питыс. Ерта иты етпины куншим пумтат иса пая тахсытэ.

Ерт парым ювпины итыя йис, цыетокыт, муv эвыт эптынг эпыт авта питыс. Матанг йингк йитпа хатл эвыт хуттыта питыс.

Етн патлым артны матынг хонынга хоп каттыс.

Сит Орджоникидзе ёхтыс. Тув юх кутытны маным вась юш хуват шушис, и Ленин ант уйтэ. Хун Владимир Ильич юх кутыт эвыт тув хосета этыс, Орджоникидзе тыкасьмат: ант уты мотты хоят... Хотся тув ёхтыс? Муй верман тув Ленин утты тахины янгхыт?

Шопынга мосл лопта, Ленин си артны семынга верта тавырт утыс: Антгыт, патым туштат тортмант, милыт веньсякыт ухтыя татман утыс.

Ленин вуся верыс. А Орджоникидзе хотна Ленин кемынга анта вертыттэ. Сиртны Владимир Ильич шушемыс тув хосета па кашинга ёшпатлны тув тангрыт хатсисы:

— Муй, Серго, тухсэм, кемынга ант версэн?

Тын пумхота мансынғын. Серго ёхтыс Сталин китыпсы посны па Ленина мет мосты аит тус. Иса утты верыт письмая ханшта ант рахыс. Письмо шпионята, муйпа предателита мошитл тикымта.

Ат мар Владимир Ильич хув мар Серго питны потыртыс, а атынга ант тавтым мойнгхо Петроград воша маныс. Тув Ленин памтыпсэт Сталина тустэ.

Август юв отынғыны ертынг йит ёхтыс. Ай юхыт кутны—Ленин мосман таим тазетны—еты рупитты кум ант ус. Юх ангыт йингка па восьлахынғы йис; тув отынгатны толыхсы энымта питыс и мет-мотты тув куташик йис.

Сятта иська йис. Партия Центральной Комитетны Владимир Ильич Разлив эвыт Финляндияя китса. Пумхот татты хасис.

Ленин маныс.

Си тахины интам памятник верман—пумхот хоркеv эвыт верман утл.

Си артны утым ай юхыт карся па кута йисыт. Сята тотим кут сумыт иситы антом, но тув турттат эвыт хутым ай сумыт эным сыт тув ээвытат.

А аты си тахет иси хорасыпет. Тыв кашинг советской хоятны тынынга тунгыттаит.



МОСТА УХТЫНЫ

Восстание ювын отынгса.

Ат патлам па тарым патынг хорасып утыс. Вош хулэтны эхтым фонарытны тут антом утыс. Нева ас ухтыны питы, вотанг уны хорасыпа ванттысман большевикыт «Аврора» крейсер омсыс. Тутыт крейсерны хурытманыт, а пушкаит туртатны Зимний дворец пета шашманыт.

Патлам кутны хувин хотты пушканыт похты сый сасис, мотоциклыт торсатсыт, моста хуват марийман грузовикыт янгхсыт; тыв ухтытатны винтовкаинг ёшны матросыт, солдатыт тотьсит.

Вош хулэтны тутратыт вуситманыт. Красногвардейцаит тут хонынгны хошмыттытсыт, ай турсыйны потремысыт, тыв тять отынгты пата партыпсы тавытсыт. Иси артны рабочий отрядытны пушканынг ёшны иса утты Нева ас шупа манты мостаит ёша вусыт.

Ий моста ухтыны петроградской айтат рабочий Андрей Крутов тотис. Тув питлны нювты красногвардеец моста тавытты пата утыс. Тыв ухтэтны Василий Ивановича вохым катра большевик командовайтис.

Нови тять ёхны ат мар кат пуш моста пушканны тьякса, но красногвардейцаит тотти тахитат эвыт ира ант манман пушканыт ослты онтасны тыв ира вошат-

сайт. Моста шупа манта путянг партыпсы тайты хоятыт туп эстытсайт.

Ий хоят пропуск ант таис, но тув моста шупа элса. Хун тув застава хоси ёхтыс Василий Иванович тув хосета ай пушкан тувет шашман шушемыс и кантынга иньсьмыстэ.

— Нанг партыпсэн!

Маным хо нох тотимтыс, пальта рухыт итты эстытмыстэ. Пухтымыт охшамны така ирсатман. Тув аитта Василий Ивановича мотты лопыс. Василий Иванович ий пелька рома тотимтыс па вуся верыс. Пухтымыт охшамны така йирым хо Андрей пунгыт эвыт паста шушемыс, и патлам кутны сора лангкемыс.

Застава начальник сора тувы тахета ёхтыс па Андрей питны мевыттарса тотис. Тув ий ясынг па ант лопыс, маным хо пельк пета иса вантман тотис. Тота ас па пелькны машьяя тьякытты сыйсасис.

Итатны Крутов ант пакыс иньсисмыстэ:

— Хоты, тув партыпсэт нанген шашитсытэ.

Василий Иванович аитта пира ясынг мас:

— Антом. Тув партыпсы вуга кум ант таис. Иса тунгта ханья ангыс. Сыры Финляндияны, сятта тата. Интам лув Смольная маныс.

Сята па лопыс, Андрейны турсыит посны паттап вер кемынга верса:

— Нумыста туп мосл: тув тывы-рота нови тять ёхмухты йис. Андрей командирыт эвыт отынг пуш тамись турсий хутыс. Тув Василий Иванович венш пета ангкырмыс па иньсимыстэ.

— Па хой си утыс?

Красногвардейской застава командир ёхты лопыс:

— Владимир Ильич Ленин.



СМОЛЬНОЙНЫ

Сибирьны, хувын утты курт эвйт ий пирысь крестьянин ики Ленин хося маныс. Мантэтсат тув мира потыртыс, что тув Ленин хося мантл. Тувет Ленин питны крестьяныт утыпсы отынгни потырта моссыс.

Хув мар пирысь ики пантны маныс. Имоттын Петроград воша ёхтыс.

Вантыйтл, вош хулэтны рабочийт винтовкаит ёшны тайман тоттис. Солдат татынг полк музыка питны шушис. А полк етпины уны вурты знамя тусы.

Пирысь ики красногвардеец хося шушмыс па иньсьмыстэ.

— Там вер па муй сирны тэрамтта рахыт?

Там хо лопыс:

— Ситы: интам мунг хосевны—советской власть тывыс.

Пирысь ики вош хулы хуват шушман, иньсисыс, хота Ленин уитта.

Лоптыт:

— Смольнойны.

Хув мар тув вош хуват маныс, ийтатны мет вонтанг уны хот хося ёхтыс. Хот хося тутратыт вуситман утыт, лакка пулеметыт омысманыт. Пулеметыт хосьны солдатыт, матросыт еты, ёхты янгхсыт.

Сит си Смольной утыс.

Пирись икия ий айтат матрос сама мустыс.

Тув янгхман курпатнгыт иса тунгта мостовая янгхман сэнгсытэ, а ёшнгыт пунгыта сэнгксытэ—тув хошмыттыитыс: сёрыс эвыт иськи вот потыс па иськи утыс.

Пирись ики тувет лопыс:

— Манэм, тутн Ленин питны уйтантта мосыс.

Матросны тув ухыт эвыт курл унта ангкырмыса па иньсимыса:

— Ма Ленин хося ёхытсым, мунг утты вертув отынгны ай павытта.

— Мана пирись ики, комендат хося тув эвыттэт партыпсы воха, матрос лопыс, сятта памтытсэ хотта манта мосл.

Хонгтэпны комендант хоси путлыты очередь тотис. Вытынг хонгтэп шумтыт восьлыхынгыт—сэмат, хатл мар ар мир тыв хуваттэт янгхыс.

Комендант пропускыт айтые ханшис: тув ёшл винтовка катлта унтыс, ханшты юхыт татымтак вет туйны, ант имастыман, патман катлтыстэ.

Партыпсы нэпек еша павытмет ювпины пирись ики Ленин каншая маныс.

Смольной ит пелык итны рабочиита па матросыта винтовкаит па янас тять пормысыт масыит. Тыв карысь, осьхосынг солдат хося, итны, итны ай найны шушсыт. Тыв винтовкаит, патроныт вусыт, еш поным ювпины кимты пета масыт. Тота тыв отрядыта тотьман еты мосты тахи пета мансыт. Хотты пета хувын пушкаит патынг иты марийсыт:—си Петроград ванпысны тять харет мансыт.

Пирись ики карысь солдат иньсьмыстэ. Хота Ленин утл.

Солдат няхеmys па лопыс:

— Хутымьянг хутэмит комнатаны.

Хутымьянг хутэмит комната ов хосьны тавтысты пата кат красногвардеец: питы пальта тумтым нёт итпи тушинг рабочий па айтат няврем тотьсынгын.

Пирись ики тынэтн лопыс:

— Манэм Ленин питны уйтантта мосл.

Нёт итпи тушип пирсяшик ювым рабочий, пирысь ики вантмет ювпины лопыс:

— Там коридор хуват мана. Ленин там уны хот йитны потыртта питл.

Сиртны туп пирысь ики сэма питыс, кемынга версытэ, мир си коридор хуват ий пелык пета мансыт. Тув иситы мир питны сиве манта питыс. Вутнга пелыкка поным ов хосьны ар мир тоттис.

Пирысь ики зал тыпия аитта хатыста питыс. Туп зал тыпия тикмыс сикемны шенгк уны сый симытыс. Пирысь ики муь вер тывыс сора кемынга ант версытэ. Тув вантытыс: лакка мир узтыт, ёшпат сэнгтыт, милтат ревытситтат. Си хорамынг зала иса оса актыссыт: хой шинельны, хой ошнины, хой матрос пальта тумытман таис.

Иса мир увсыт:

— Ленин! Лени-и-ин! Ленин!

Пирысь ики нох тотьман, кур нётнгыта нох этымман, зал па пелык отынгни Ленин касятыс.

Владимир Ильич карысьшик тахины тотис. Тув тавтысмат, хун сыясыты вер роммыт. Сятта ёшл нох атэмыстэ—тув хусты питты верх вохыс.

А зал сыясись, ант роммыс.


— Ленин! Па уся ута Ленин!

Владимир Ильич тыкасьмат. Сятта ант пакыс няххытыс. Сыясыты сый, сит киньси тарма йита питыс.

Ленин ёшнгыт кат пета тувемыстэ. Шимит тавтысыс. Сятта па ёшл па нох атымсытэ. Сятта итамп сый пета ант вантман, еты пета шимыт макыртыман Ленин потыртта питыс. Сиртны залны утым мир иса хусты питсыт.

— Тухсыт!— Ленин лопыс.— Рабочий па крестьяныт революция, матот отынгни большевикыт нумыссыт, тывыс...

Ленин йитып утыпсы отынгни, советской власть отынгни, тять верыт отынгни, мувыт помещикыт эвыт няремыты па крестьяныта маты отынгни потыртыс.



Пирысь ики хутнтыс. Владимир Ильич потыр
эвыт тув кашинг ясынг путянгыт хутсытэ.

Ленин потрыт хотас. Пирысь ики тув куртынг
утыпсэт номытмытэ: мосл Ленин потрыт куртынг
мирема потыртта. Сятта тув коридор хуват кимты—
вутынг хонгтэп каншта манта питыс.

Хоятны тув иньсьмыса. Сит Смольной хосьны то-
тим айтат матрос утыс.

— Я хоты, асем ики, утыпсэн отынгны Ленин
питны потыртсын?—Няххытман тув инсьмыстэ.

— Антом, — пирысь ики лопыс.—Сит Ленин ма-
питэмны ма утыпсэм отынгны потыртыс.



ЛЕНИН ВЕТТА ВУТСИТСА

Завод мет вотанг мастерскоитны митинг отынгса, а камын завод харыны хотна ар мир утыс. Тыв Владимир Ильич тавытсэт.

Итатны украт ов хосьны машина катымтыс. Тув мастерскоита тангты овны вотнис. Машина ов пуншим артны иса мирны Ленин касятса.

Владимир Ильич рабочиит питны вуся верыс па паста мастерскоит ова тангыс.

Иса мир Ленин пирны шушмысыт, па завод хари татты питыс.

Шофер машинаит каремыстэ ократ ов пета, тустэ па мастерскоит эвыт ветхосьнг метра кема вотэмыстэ. Тув Ленин тавытта питсытэ.

Моттыкем минута пармет ювпины тув хосета пты вуш тумтым нэ шушемыс. Тув иньсьмыстэ.

— Итампи Ленин тухсэв ёхтыс?

— Ант утэм, хой ёхтыс.

Иньсисытты нэ няххытыс:

— Суй сирны сит? Нанг шофера—ант утэн хой тутитын?

Шофер тув петангыт ангкырмыс: муй хорасып вураинг нэ.

— Ант утэм!—веншл тыкынга верман тув лопыс.

Потырым нэ паста каремыс па мастерскоит пета шушмыс.

Сёс шуп парым ювпины митинг хотас, мастерскоит он пуншса, хотся Владимир Ильич катымтыс.

Тув дирлны моттыкем рупутница ким этыс. Па рабочиит мастерскоит овыт хосьны ёх ертсаит.

Ий мотты хо матросской вуш тумытман ов лап ертман тотис.

— Ат вурататы! Ат вурататы!— турл лап манман тув увыс.

Тув веншл нох пувытман, сэмгыт атым хорасыпнгын. Тув вуштат сирны туп матрос хор таис. Ёшнгыт ов шекнгына вортман тув иса тунга кимты вантйтыс.

Рабочий нумыссыт, что тув Ленин тавытты пата тотис, сютны тыв сам мир ёхты катлта питсыт.

Си артны Ленин машинаит хося ёхтыс.

Тув вуш машина ов тушкая каттысыс, но сята рупутницаит мотты иньсьмысыт, па тув ёхты ясынг лопты пата тыв петангыт каремыс.

Ротан ай пушкан похнэмым сый сымытыс, сятта кимитта похнэмыс, Ленин итты кериис.

Рабочиитны матрос ира воськыса па Ленин хоси тэрмат хухытмысыт.

Шофер машинаит эвыт ай пушманынг ёшны ким тукус. Тув машина пува пелькны Ленин отынгны иньсиста ёхтытым нэ сэма павытсытэ. Шофер ай пушкантл си нэ пета шашман манта питыс. Нэ мухты мир кута тонгемыс. Шофер си нэ нюхыта куш манта питыс, но ёхты акырмыс па касятсытэ: Ленин мув ухтыны отыс.

Шофер Владимир Ильич хося хухтыс, шанш ухтыя омсыс, иты макыртыс.

Хоят лопыс:

— Сорашик больницая тута мосл.

Ленин ухыт нох атэмыстэ па айтыс лопыс:

— Антом. Ёх... Ёх...

Шофер рабочиита лопыс.

— Ёх тутэм. Нэммотты больницая ма ант мантым.

Рабочий Ленин хоси макырмысыт па тувыт ма-

шиная понта вутсийтсэт, но Ленин аитта нохшик
этымыс па лопыс:

— Ма маны тотьтим...

Веншл тув новия хаттис. Тавырта нох тотис па
машина тангыс. Тув омысты кус па ант таис омыс-
ты тахетны пунгыта питыс. Шофер машина ов лап
лангкымсытэ па тэрматман манта питыс.

Си артны Ленин ай пушкан эвыт эстыйтым нэ
катлса. Тув мир кутны ханятта вутситыс, но сята ка-
мын ентым нявремытны тув касятса:

— Там, там тув! Тув ай пушкан эвыт эстыйтыс!
Там вер 1918-мит отны 30-мит августны тывыс.

Советской Союз рабочиит, крестьяныт, иса мувыт
трудящиесяит тыштыман газетыт посны Ленин тунг-
матыпсы отынгны тавытман тайсыт.

Газетытны ханшман утыс, что Ленин пета ай
пушкан эвыт эстыйтым нэ мир врагытны китман
утыс. Тыв пуляит ядны понсытат.

Владимир Ильич шенгк така мушмыттыман утыс.
Дохтурыт ант ямастысыт, что тув тытл этл.

Итатны газетыт амыт айкет ханшсыт: Ленин
тунгматта питыс.

Заводны йитпа митинг вохса. Ий хо Ленин има
иты отынгны нэпек тунгтыс. Сит ювпины ий пирысь
рупутница хоттыман потыртта питыс:

— Мунг тувыт ант тавытсэв... Хотысат тавырта
Ильич кашатыс!

Сятта шимит хусты утыс, тухыстат пета ваньыт-
мет ювпины сыинга лопыс си отынгны, муь отынгны
кашинг хоят нумысыс.

— Муь хорасып уны ой, что мунг Ленин тайтув!



СУББОТНИК

Хой 1919—1920-мит отытны карты пантыт хуват янхыс, си хоятыт «паровозыт ойты-тахи» сэмны вантсыт, Ситы шукатым паровозыт шавиитым тахет там сирны вохсайт. Гражданской тять утым артны паровозыт шукатсайт па интам ий пая, колесаитат ны нохты пета, хотса тикамсыт воськысайт.

Сиртны тавырт арт утыс. Иса тахетны тять утым верыт катсыт: асыт шупа утым мостаит шукатманыт, вошитны шукатым хотыт, карты пантытны шукатым паровозыт сэмны катсыт.

Советской мува ийтпа иса хозяйство верта мосыс.

Па сята мет уны вер отынгтыйтыс: советской мир емынхаттытны, оса хаттытны,—рапута хатл парты артны—государства эвыт вох ант вуйман мувева нётып верты пата рупитты питсыт.

Там вер, Московско-Казанской карты пантны рупитым рабочий-коммунистытны 1920-мит отны 1 майны отынгса.

Тыв тывы номыстат посны, тывы кашасипсытат посны «паровозыт ойты-тахетны» шукатым паровозыт татнга хасим мосты частит пирийта питсытат, карты пант хуват ёхтым поездыт эвыт юх, кев лавым таттисыт.

Московско-Казанской карты пантны рупитты ёх отынгытпысы сирны янас карты пантатны, заводытны, фабрикаитны рабочиит тамись субботникыт верынтта па питсыт.

1920-мит от 1-мит май емынгхатл иса Россия туваттыны субботник верты пата постыса. Там емынгхатлны иса тахетны рупитсыт, Кремль эвыт, хотты петта Сибирьны хувин утты рабочий помелокут унта, иса мир рупитта этсыт. Но рупитта мир емынгхатл сирны мансыт—оркестрыт питны.

Си хатл Кремльны нювты сёс атынг артны хутым пуш пушка похныптыта. Рабочиит, служащиит, Кремлевской военной школа курсантыт иса вош хария этсыт.

Хун иса актысым мир военной строй сирны манты пата нартып сирны тоньсьлсаит. Кремль комендант лопыс:

— Субботникыны рупитты пата Ленин тухсэвийт.

Владимир Ильич етпия пасты курымны шушмыс.

Военной школа комиссарны, Ленин вохса, па хоты уны хо мет отынг нартыпа йимса пелька тонтльса. Ленин мухты памтым тахета тотис. Команда масы:

— Нартпыта тотяты!

Ситта:

— Имса пельк пета, еты шушмыта!

Иса утым мир ай хоят иты Кремль хосьны рупитты тахия, тять ёх сирны ий курым пурымты сирны нэрысты сый посны шушмысыт. Тыв рупитта ёхтым тахетны павырттыт, кевыт, сохтыт, арсыр тапыр угсыт. Си тахины шукатым телегаит керыгтисыт; мув ухтыны похным снарядыт эвыт тывым мув лотыт катсыт. Там отыт Октябрьской революция тывым артны, нови ёх питны утым тять эвыт хасим верыт.

Там хатл мар Кремль вош хары путянгыт тэсятта мосыс.

Отынгны павырттыт таттита нарымтсыт. Кашинг павырт кат, муйпа няты хоятны атымта мосыс. Ленин имотты тять хо питны яха рупитсынгын. Тять хо иса

тунгта Ленина кены юх тый минтыс, а тувы тавырт татта п
юх порых атмийтыс. Владимир Ильичны си вер мух- хонгса
ты кемынга верса па тувы тэрматман сыры юх по- Ильич
рых тангкыра атмитта питсытэ. йитпа с

Сиртны тять хо лопыс:

— Нанген Владимир Ильич ветьянг от, а манэм Рут
хус нивты. кев шу

Ленин тавырт юх порых тангкыра понсытэ па Лен
няххытыс: тыс, но

— Ма нанг кинсянген уны ки сиртны ма питэмны хосьме
нанген вурасьтыта ант рахыт. память

Кремль хары эвыт хун иса павыртыв татьсисаит, Па
сиртны тавырт дуб юх павыртыв татьтита питсаиг. Суб
Тыв юх ухтыя понман хут хоятны атсаит. Сит кены саит, т
рупута антом; си киньси тавырт ус, шангк йингк пынга
венштат эвыт этыс. ар мир

Интам Владимир Ильич питны хутым курсант па туватт
кат рабочий рупитыс. этл.

Ий рабочий Ленин пета вантыс, вантыс па лопыс:

— Владимир Ильич! Мунг тата нанг тохитпен
рупитта юртув тарымтыт, а нанг там кинься мет мо-
сты верыт тайтын.

Владимир Ильич ёхты лопыс:

— Интам там вер мет мосты вера ёхтантл.

Этра хуттым хатл эвыт, Ленин мевыттарса па ёх
питны рупуттэт пата кашинг хоят нумысыс: Там хатл
верты тавырт рупутаев—сит мет вотанг уны амтынг
емынгхатлла ёхтантл.

Кашинг хоят яма рупитта вуратыс, иса тахетны
осьхось потрыт, нях, арет сасьсыт. Кашинг хоят
Ленин эвыт хасьта ант кашасис.

Итатны иса мир туимсыт па рутсита, хонгса татта
омыссыт.

Владимир Ильич хонгса ант татыс па и сэм вант-
ман рутсита па кашл ант утыс. Тув ванкутл сёс пета,
муйпа ёх хасима тавырт дуб павыртыв, кевы паит
петта вантытыс. Итатны рутситы тухыстат хоси тув
рутсита омсыс. Имотты хоят Ленина хонгса татты
пата мас. Ленин хонгса ант вус па потыртта питыс,
хоты хунтты гимназияны унтлтыймет артны хонгса

татта питыйтыс па сятта воськыстэ и сит юпины па
вер мух-хонгса татта ант питыс. Кашинг хоят Владимир
юх по-Ильич питны хувшик потыртта кашасис, но тув
йтпа сёс лавемыс па вантта питсытэ: кашинг хоятны
усы, Ленин мотты тахия тэрматыс.

а манэм Рутситы арт парым юпины носилканы тапыр,
кев шукыт еты аттытта питсыт.

сытэ па Ленин тэрматыс, рупитта сит киньси така вурат-
тыс, но субботник парты унаа мотты кем минута
итэмны хосьмет артны тув маныс; сам хатл тув Карл Маркса
памятник паты верты тахины тув тавытса.

сисаит, Па и Кремль харины рупута шимит хасис.

итсаиг. Субботникны утым ёхны рупутаит сора етшипты-
ит кены сайт, туимман, амтынга ёхты мансыт. Там хатл шо-
йингк пынга тыв уны вер версыт па субботника сит киньси
ар мир рупитта этл: иса мунг уны Советской мувев
сант па гуваттыны йитпа ар миллионыт хоят там верыта
этл.

лопыс:
охитпен
мет мо-

03 1960 г.
Акт № 1073

Инд. № 146

а па ёх
м хатл
имтынг

ихетны
хойт

татта

вант-
пета,
паит
и тув
татты
итыс,
онгса

КНИГАНЫ УТТЫ ПОТРЫТ

Ёхты — Россияя!	5
Хуньсянтыпсы	9
Разлив матынг хосьны	16
Моста ухтыны	20
Смольнойны	22
Ленин ветта вутсится	27
Субботник	30

А. Кононов.


ЛЕНИН ОТЫНГНЫ ПОТРЫТ

Рассказы о Ленине
(на хантыйском языке)

Редактор В. С. Алачев. Рисунки М. С. Рогожнева.
Техн. редактор Л. Т. Овечкин.

Подписано к печати 18/II-60 г. Формат бумаги 60x92¹/₁₆.
2,2 печ. листа. 1,5 уч. изд. листа. Тираж 1000 экз.
Заказ № 109. Цена 45 коп.

Типография № 1, Тюмень, Первомайская, 11.



26232

Цена 45 коп.

	Хант.
<hr/>	
3	= 65